

– Բայց դուք որտեղի՞ց գիտեք, որ ես նրա որդեգիրն եմ:

– Ես բոլորը գիտեմ... – պատասխանեց նա խորհրդաւոր ձայնով:

Մենք ճանապարհի ընկանք: Տանտիրոջ ընտանիքը շատ սիրով ճանապարհի դրեց ինձ, կարծես, ես տարիներով նրանց մէջ ապրած լինէի:

Տանտիրոջ միջնակ որդին, որ պետք է առաջնորդէր ինձ մինչեւ եզիդիների գլխաւորի վրանը, մի կատարեալ դիւցազն էր. նա իր ծիու վրայ նստած, կարծես թէ, կազմում էր նրա հետ մի ամբողջ մարմին, որ ստեղծոած էր պատերազմի համար: Ես երբեք չեմ մոռանայ նրա խօսքը, որ ճանապարհին ասաց ինձ. «Մեր կեանքը սրի մէջն է»...

Մենք գնացինք ուղիղ ճանապարհով, եւ ոչ լեռների միջով, որպէս տաւում էր Մըհէն, եւ նոյն աւուր երեկոյեան պահուն հասանք Ս. – բէկի վրանների:

ԽԳ. ԵԶԻԴԻՆԵՐ

Մենք հասանք եզիդիների բէկի չադրներին նոյն աւուր երեկոյեան պահուն, երբ արեւն արդէն մտած էր: Երկու մարդ կէս ճանապարհի վրայ սպասում էին, եւ մեզ ուղղակի տարան բէկի վրանը: Ասլանը այնտեղ էր. նա երբ տեսաւ ինձ, «վերջապէս եկար դու» ասաց եւ ժպիտի նման մի բան երեւաց նրա սառն դեմքի վրայ:

Մի փոքրիկ, կանաչազարդ հովիտի մէջ գետեղոած էին եզիդիների չադրները մի քանի հարիւրի չափ, իսկ կենտրոնում կազմած էր բէկի վրանը: Նա որոշում էր միւս բոլորից իր մեծութեամբ եւ գեղեցկութեամբ: Նա բաժանոած էր չորս մասի, – մէկի մէջ, ուր ընդունեցին մեզ, նստած էր ինքը բէկը, եւ դիտակը ձեռին անդադար նայում էր այս կողմ եւ այն կողմ, կարծես, նա միշտ երկիւղի մէջ էր, չիցէ թէ թշնամու անակնկալ յարձակում լինի նրա վրայ: – Այդ մասը նրա հիւրանոցն էր: Նրա առջեւ, մերկ գետնի վրայ կարգով ցցոած էին մի քանի երկայն նիզակներ, շինոած այն եղէգներից, որ բուսնում են Տիգրիսի եզերքի վրայ, որոնք այնքան թեթուն եւ անբեկանելի են, որ կարծես բնութիւնն ինքը ստեղծել էր մահոան գործիք դառնալու: Զիւրանոցի սիւներից քարշ էին տոած գէնքերի այլեւայլ տեսակներ, որպիսի են՝ վահաններ, սրեր եւ զանազան հրացան գործիքներ: Զիւրանոցի աջակողմեան մասնում կապած էին մի քանի ձիաներ, թամբած եւ բոլորովին կազմ ու պատրաստ: Այդ նրա համար էր, եթէ վտանգ պատահի, իսկոյն տերերը թռչեն նրանց վրայ եւ դուրս գան թշնամու առջեւ: Զիւրանոցի ձախակողմեան մասնում գետեղոած էին բէկի թիկնապահները, որոնք նրանից միշտ անբաժան են